

Til velferðarnefndar alþingis  
Austurstræti 8-10  
150 Reykjavík

*Alþingi*  
*Erindi nr. Þ 140/213*  
*komudagur 17.11.2011*



Reykjavík 16. nóvember 2011

**Umsögn um frumvarp til laga um heilbrigðisstarfsmenn – þingskjal 147**

Því er fagnað að sett verði sérstök lög um heilbrigðisstarfsmenn. Það er af hinu góða að í frumvarpinu séu ákvæði um réttindi og skyldur heilbrigðisstarfsmanna.

Félag heilbrigðisritara gerir athugasemd varðandi þriðju grein þingskjals 147. Þar er upptalning um hvaða stéttir skulu teljast löggiltar heilbrigðisstéttir. Félagið telur vanta þar inn stéttina heilbrigðisritara sem ekki hafa enn fengið löggildingu sem heilbrigðisstétt. En þar er um að ræða skilgreinda fagstétt sem starfar innan heilbrigðiskerfisins, sem vinnur sérhæfð störf sem krefjast fagmennsku.

Félag heilbrigðisritara vekur athygli á að heilbrigðisritari er andlit hverrar stofnunar, fyrsti aðili sem sjúklingar/aðstandendur mæta eða heyra í símleiðis. Heilbrigðisritari er í nánu sambandi við sjúklinga og aðstandendur í daglegum störfum sínum. Heilbrigðisritarar taka daglega á móti sjúklingum, sem leita til sjúkrahúsanna og heilsugæslu, skrá niður upplýsingar um þá í sjúklingabókhalda, undirbúa teymisvinnu og dagsáætlanir. Þeir undirbúa gögn fyrir sjúklinga og halda þeim til haga. Þeir panta ýmsar rannsóknir og þjónustu fyrir sjúklinga, taka á móti rannsóknarsvörum, senda gögn og eyða gögnum. Heilbrigðisritarar taka þátt í starfsmannabókhalda og aðstoða við gerð vaktaáætlana.

Heilbrigðisritarar verða að hafa lokið 80 einingum í framhaldsskóla (námsbraut fyrir heilbrigðisritara) áður en þeir eru ráðnir til starfa og byggir námið á námskrá sem menntamálaráðuneytið hefur samþykkt. Námskrá þessari námskrá miðar að því að þjálfar færni og hæfni nemenda til að standa kröfur heilbrigðisþjónustunnar um nákvæmni, áreiðanleika og fagleg vinnubrögð. Námið á að veita nemendum almenna þekkingu í bóklegum og verklegum greinum með áherslu á góða tölvukunnáttu, samskiptahæfni, þekkingu í heilbrigðisgreinum, ásamt því að þjálfar færni til að takast á við raunveruleg viðfangsefni þar sem fyrirmæli, verklýsing og vinnuaðferðir liggja fyrir. Jafnframt eru nemendur þjálfaðir í að takast á við ófyrirséð verkefni og í því að sjá um upplýsingaöflun, meðhöndlun og miðlun ýmiss konar gagna sem hefur gjörbreyst með tilkomu upplýsinga- og samskiptatækni. Sjá námsbrautarlýsingu á bakhlið. Félag heilbrigðisritara heldur uppi öflugri símenntum sinna félagsmanna í samvinnu við Starfsmennt og LSH.

Heilbrigðisritarar hafa í mörg ár farið fram á að fá löggildingu á starfi sínu en ekki fengið svör sem skyldi. Félag heilbrigðisritara ítrekar hér með að það er nauðsynlegt að þessi starfsstétt fái löggildingu og viðurkenningu frá hinu opinbera. Enda er það í samræmi við 1. gr. laganna þar sem segir: „Markmið laga þessara er að tryggja gæði heilbrigðisþjónustu og öryggi sjúklinga með því að skilgreina kröfur um kunnáttu og færni heilbrigðisstarfsmanna og starfshætti þeirra.“

Félag heilbrigðisritara lýsir yfir ánægju með 2. og 3. mgr. í 3. gr. frumvarps til laga um heilbrigðisstarfsmenn sem er viðbót frá því félagið sendi inn fyrri umsögn sína.

Virðingarfyllst, f. h. FHR

*Guðríður Guðbjartsdóttir*  
Guðríður Guðbjartsdóttir,

formaður Félags heilbrigðisritara, Selvaði 1, 110 Reykjavík

## Námsbraut fyrir heilbrigðisritara (HM) 80 ein.

Meginmarkmið námsins er að gera nemendum kleift að takast á við þau viðfangsefni sem heilbrigðisritarar inna af hendi við móttöku sjúklinga, skráningu gagna, gjaldkerastörf og almenn skrifstofustörf. Meðalnámstími er um tvö og hálf ár, fjögurra anna nám í skóla, samtals 68 einingar, og vinnustaðanám á heilbrigðisstofnunum eða hjá fyrirtækjum í heilbrigðisþjónustu sem metið er til 12 eininga.

<b>Almennar greinar</b>			<b>28 ein.</b>
Erlend mál	DAN 102 ENS 102, 202, 212, 303	11 ein.	
Íslenska	ÍSL 103 203	6 ein.	
Íþróttir	ÍÞR 101 111 201 211	4 ein.	
Lífsleikni	LKN 103/101 111 121	3 ein.	
Stærðfræði	STÆ 172 + 2 ein.	4 ein.	
<b>Almennar heilbrigðisgreinar</b>			<b>20 ein.</b>
Heilbrigðisfræði	HBF 103	3 ein.	
Líkamsbeiting	LÍB 101	1 ein.	
Samskipti	SAS 103	3 ein.	
Sálfræði	SÁL 123, 203, 313	9 ein.	
Siðfræði	SIÐ 102	2 ein.	
Skyndihjálp	SKY 101	1 ein.	
Vinnan og vinnumarkaður	VIN 101	1 ein.	
<b>Sérgreinar brautar</b>			<b>20 ein.</b>
Enska fyrir heilbrigðisstéttir	ENS 473	3 ein.	
Líffæra-, lífeðlis- og sjúkdómafræði	LOS 103 203	6 ein.	
Lyfjafræði	LYF 112	2 ein.	
Skjalastjórnun	SKL 101	1 ein.	
Starfsumhverfi heilbrigðisstofnana	STA 103	3 ein.	
Upplýsingatækni á heilbrigðis- stofnunum	UTH 103	3 ein.	
Verkefnastjórnun/gæðastjórnun	GST 102	2 ein.	
<b>Vinnustaðanám</b>			<b>12 ein.</b>
Verknám	VHR 103 203	6 ein	
Starfsþjálfun	SHR 103 203	6 ein	